



Ineqi Kielsen  
Inatsisartut

## **Kalaallit Nunaanni eqqagassalerisarneq pillugu § 37 naapertorlugu apeqqutinut akissut**

Asasara Ineqi Kielsen

27. januar 2016-imi eqqagassat pillugit arlalinnik uannut apeqquteqarputit. Apeqqutitit pillugit qutsavigaakkit, taakkulu matuma kinguliani akineqarput.

Naalakkersuisut eqqagassaqaqarnermut politikkiannut eqqagassalerinermit pilersaarut aamma eqqagassalerinermit sanaartornermut pilersaarut tunngavigineqarput. Ataatsimut isigalugu paasissutissanik amerlanerusunik pitsaanerusunillu atorfissaqartitsisoqarpoq. Kommunini eqqagassalerinermit pilersaarutit nutaat siunissami najukkani eqqagassat pillugit paasissutissanik tulleriaarnerusunik pissarsiffiunissaat Naalakkersuisunit naatsorsuutigineqarpoq.

### **1. Ukiumoortumik plastik-imik eqqussuinerput plastik-ip suussusaa sumullu atornerqarnersoq – paasissutissanngorlugit Naalakkersuisunit pigineqarpat?**

Akissut: Naagga. Naatsorsueqqissaartarfimmit oqaatigineqartut malillugit paasissutissanik taamaattunik peqartoqanngilaq.

### **2. Puussianik plastik-imik sanaanik atuinitta aammalu plastik-imik atuinitta annikillisarinnissaa eqqarsaatigalugu Naalakkersuisut arlaatigut pilersaaruteqarpat?**

Akissut: Eqqagassalerinerup tamarmiusup tapersorsorneqarnissaa Naalakkersuisut pingaartippaat, maannarpiarlu puussianik plastikkimik sanaanik plastikkiniillu atuinuq killilersorniarlugu suliniutissanik aallussisoqanngilaq. Pinngortitamut, Avatangiisinut Inatsisinillu Atuutsitsinermit Naalakkersuisoqarfiup paasititsiniaanerminut Qujanaq-mut atatillugu pisiniarnermut puussianik agguavaoq, puussianik plastikkimik sanaanik pisiniarnermut atornerqartartunik atuinuq killilerneqarsinnaasoq paasititsiniutiginiarlugu. Kommunit kommunini eqqagassalerinermit misileraanissaminnik, soorlu plastikkimik ikilisaanissamik kissaateqartut Pinngortitamut, Avatangiisinut Inatsisinillu Atuutsitsinermit Naalakkersuisoqarfimmut aningaasanik tapiiffigineqarnissamik qinnuteqarsinnaapput.

### **3. Plast-imik igitsisarnitta/eqqaaginnartarnitta annertussusaa eqqarsaatigalugu Naalakkersuisut arlaatigut pilersaaruteqarpat?**

03-02-2016  
Sags nr. 2016-2010  
Akt. nr. 2041215

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: paian@nanoq.gl  
www.naalakkersuisut.gl

Akissut: Eqqakkanik qanorluunniit ittunik, tassungalu ilanngullugu plastikkinik eqqaasarnerup killilersorneqarnissaanik pinaveersaartinneqarnissaanillu Naalackersuisut anguniagaqarput. Eqqakkat siullermik pingaarnertullu pinaveersaartitsineq aqputigalugu killilerneqarsinnaapput, taannalu aamma "eqqakkanik tulleriarisarnermi" salliutinneqarpoq. Naalackersuisut anguniagaasa suliassartaannik atuutsitsilernissaq kommunit eqqagassanut pilersaarutaat eqqagassanullu maleruagassaat aqputigalugit atuutsinneqalissapput. Naalackersuisunit isummertarnernik allanngortitsiniarnissaq immikkut siunnerfigineqarpoq, aammalu 2014-imi 2015-imilu paasititsiniaaneq Qujanaq ingerlappaat, eqqakkat eqqumaffigineqalernissaat nunattalu paarinissaata pingaaruteqassusia anguniarlugu.

**4. Plast-ip atorunnaariartornissaannut avatangiisitigut anguniakkami takussaasumik aalajangersaasoqarsimava, tassungalu taarsiullugu plast-imik pinngortitami nungusarneqarsinnaasumik atuisoqassamaarpa imaluunniit plastimut taartaasinnaasumik arlaatigut atuisoqassamaarpa?**

Akissut: Naalackersuisut plastikkinik atuiunnaarsitsiniarnissamik pilersaaruteqanngillat, kisiannili eqqakkanik tulleriarisarnermik tunngaveqarnermik atulersitsinissaq eqqakkanik, taakkunungalu ilanngullugu plastikkinik passussisarneq pissarsiviusinnaasutut isigalugu. Nunani Avannarlerni Ministerit Siunnersuisoqatigiivisa iluanni suleqatigiinnermi suleqatigiissitaq HAV imaani mikroplastit pillugit sulianut aningaasaliissuteqarpoq, aammalu imaani eqqakkat pillugit ilisimasarpaaluit nunani avannarlerni sanilerisatsinni katersorneqarsimapput. Ilisimasat taakku OSPAR-imi, HELCOM-imi aamma EU-mi, imaani eqqakkanik pingaartitsiviusuni ajornartorsiuteqartunilu atornerqarput. Kalaallit Nunaat nunat avannarliit suleqatigisavut aqputigalugit sammisat pillugit paasisaqartarpoq.

**5. Angerlarsimaffinniit eqqakkat annertussusaat pillugit Naalackersuisut qanoq paasissutissiisinnaappat aammalu eqqakkat tungaatigut qanoq inerisaasoqarpa?**

Akissut: Eqqagassalerivinnut, soorlu eqqakkanik tigooqqaavinnut ikuaallavinnullu avatangiisit pillugit akuersissutit naapertorlugit kommunit atortuni taakkunani ingerlatsinermi nalunaarsuisartussaapput, taakkunungalu eqqakkat amerlassusaat ilaapput. 2015-imi Maniitsumi ikkuallaavimmi eqqakkat 755,1 tonsit, Aasianni 1.834,6 tonsit, aamma Nuummi 13 tonsit missaanniittut ikuaallanneqarsimapput. Naalackersuisut kommunini eqqagassalerinermi misileraalluni suliniutit tapersersorpaat. Suliniut immikkut ittoq maanna Sisimiuni misilerarneqarpoq, tassanilu Qeqqata kommuniata angerlarsimaffinnik eqqakkanik arrorsinnaasunik aatitsisarneq aallartissimavaa. Qeqqata Kommunian misileraalluni suliniummut tassunga Pinngortitamut, Avatangiisinut Inatsisinillu Atuutsitsinermut Naalackersuisoqarfimmut tapiiffigineqarpoq.

**6. Pappiliat iginneqaannartartut annertussusaat eqqarsaatigalugit Naalackersuisut qanoq paasisitsiniaasinnaappat?**

Akissut: Naatsorsueqqissaartarfimmit oqaatigineqartut malillugit paasissutissanik taamaattunik peqartoqanngilaq.

**7. Nunatsinni pappiliatigut eqqaaneq aammalu ussassaarutitigut pappilianik atuinermi pappiliatigut eqqaanermi avatangiisinik mingutitsinerput qulaajarlugulu paasiniarneqarsimava, aamma ilanngullugu paasineqarusuppoq Naalakkersuisut avatangiisitigut pitsaaliuinermi takorluugaqarnersoq, soorlu ussassaarutit illunut tamanut agguataartakkt eqqarsaatigalugit ikilisaasoqarniarpa?**

Akissut: Kalaallit Nunaanni pappiaqqat eqqarneqartut amerlassusaat avatangiisinullu sunniutaat nalunaarsorneqarsimangillat. Eqqakkt allat tamaasa assigalugit eqqakkanik killilersuinissaq pinaveersaartitsinissarlu, tamatumunngalu tulliuullugu eqqakkanik atueqqittarnermik siuarsaanissaq Naalakkersuisut kissaatigaat, tak. eqqakkanik tulleriiaarisarneq. Naalakkersuisut eqqagassat pillugit nalunaarutisiassatut siunnersuutaanni eqqakkanik tulleriiaarisarneq kapitalimut immikkoortumut inissinneqarpoq, taamaalillunilu inatsit nutaaq aqutigalugu atuutsinneqalernissaa anguniarneqarluni.

**8. Naalakkersuisut suut Kalaallit Nunatsinni avatangiisitigut mingutitsinerpaatut isigivaat aammalu arlaatigut suliniuteqartoqarpa tamakkua millisarniarlugit?**

Akissut: Naalakkersuisunit eqqakkt ulorianaatillit immikkut aallunneqarput, taakku eqqagaammata, akuutissanik avatangiisinut ajoqusiisinnaasunik akoqarnerpaasut. Taamaattumik 2011-miit 2015-imut kommunit illoqarfinni tamani eqqakkanik ulorianaatilinnik tigooraavinnik sanaartornissaannut tapiiffigineqartarput. Tassalu eqqagassalerinermit pilersaarummi anguniakkat ilaattut, illoqarfiit tamarmik eqqakkanik ulorianaatilinnik tigooraaveqarnissaannik anguniagaqarnerup 2016-imi naammassineqarnissaa naatsorsuutigineqarpoq. Tamatuma kingorna nunaqarfiit tamarmik tigooraavilersorneqassapput, taamaalillunilu eqqakkanik ulorianaatilinnik isumannaatsumik passussisarneq nuna tamakkerlugu atuutilersinnaassalluni. I/S Reno-Nord-imit ilisimatitsissutigineqarpoq, 2015-imi Kalaallit Nunaanniit eqqakkanik ulorianaatilinnik 1.188.936,6 kg-nik tiguisisimallutik aammalu 2014-imi eqqakkanik ulorianaatilinnik 1.214.052,6 kg-nik tiguisisimallutik. Tamatuma saniatigut Naalakkersuisut eqqagassalerinermit pilersaarutaanni aamma eqqagassalerinermit sanaartugassanut pilersaarutaanni eqqagassalerinermit unammilligassat annersaat erseqqissarneqarput, pilersaarutinilu marluusuni Naalakkersuisut kommunit suleqatigalugit unammilligassanik taakkuninnga annikillisaaniarlutik suliniutaasa tulleriiaarneqarneri takutinneqarput.

Inussiarnersumik inuulluaqqusillunga

Mala Høy Kúko